

礼部

大清會典

墨之四六

350
S2337
10

欽定大清會典卷之四十五

禮部

祠祭清吏司

中祀二

凡祭

前代帝王之禮爲廟於

皇城之西殿曰景德崇聖內設七室中一室奉

大昊伏羲氏

炎帝神農氏

皇帝軒轅氏東一室奉

禮部

少昊金天氏

顓頊高陽氏

帝嚳高辛氏

帝堯陶唐氏

帝舜有虞氏西一室奉

夏王禹啟仲康。少康杼槐芒泄。不降扁鵲孔甲。皋發
商王湯太甲。沃丁。太庚小甲。雍已。太戊仲丁。外壬。南

廩甲祖乙。祖辛。沃甲。祖丁。南庚。陽甲。盤庚。小辛

小乙。武丁。祖庚。祖甲。熹辛。庚丁。太丁。帝乙。東二

室奉

周武王成王康王昭王穆王共王懿王孝王夷王宣王平王桓王莊王僖王惠王襄王頃王匡王定王簡王靈王景王悼王敬王元王貞定王考王威烈王安王烈王顯王慎靚王西二室奉

漢高祖惠帝文帝景帝武帝昭帝宣帝成帝哀帝先武帝明帝章帝和帝殤帝安帝順帝冲帝桓帝靈帝昭烈帝

唐高祖太宗高宗睿宗元宗肅宗代宗德宗順宗穆宗文宗武宗宣宗懿宗僖宗東三室奉

遼太祖太宗景宗聖宗興宗道宗

宋太祖太宗真宗仁宗英宗神宗哲宗高宗孝宗光

宗寧宗理宗度宗端宗

金太祖太宗世宗章宗宣宗西三室奉

元太祖太宗定宗憲宗世祖成宗武宗仁宗泰定帝

文宗寧宗

明太祖惠帝太宗仁宗宣宗英宗景帝憲宗孝宗武

宗世宗穆宗愍帝位均南嚮凡異代同室者隔

別之。兩廡各以其名臣配嚮東廡風后倉頡

臯伯夷伊尹傳說召公奭畢公高召穆公虎仲

山甫張良曹參周勃魏相鄧禹耿弇諸葛亮房

元齡李靖宋璟郭子儀許遠李晟裴度曹彬李
沆王曾富弼文彥博李綱韓世忠文天祥黏沒
忽木華黎不忽木徐達常遇春楊士奇于謙劉
大夏位均西嚮西廡力牧臯陶龍伯益仲虺周
公且太公望呂侯方叔尹吉甫蕭何陳平劉章
丙吉馮異馬援趙雲杜如晦狄仁傑姚崇張巡
李泌陸贄耶律曷魯呂蒙正寇準范仲淹韓琦
司馬光趙鼎岳飛鮑羅幹里不伯顏脫脫劉基
李文忠楊榮李賢位均東嚮歲以春秋仲月諏
且遣官致祭。

皇帝特行崇典則

親詣行禮

景德崇聖殿中。

三皇各一案。

五帝其王案其餘代設一案每位帛一。每室牛一。羊一。豕一。尊一。每案登一。鉶二。簠簋各二。籩豆各十。爵三。鑪一。鐙二。兩廡各設小案每位帛一。爵三。每案鉶二。簠簋各二。籩豆各四。東西各羊三。豕二。尊二。鑪四。鐙八。先祭一日樂部設中和韶樂於殿外階上分左右懸鑾儀衛陳法駕因簿

於

午門外。日出前六刻。太常卿詣

乾清門告時。

皇帝御祭服乘禮輿出宮。前引後扈如常儀。

駕發警蹕

午門鳴鐘。法駕鹵簿前導。不陪祀王公百官咸朝服跪送。導迎鼓吹設而不作。鑾儀衛校鳴廟內鐘。

皇帝至廟。由中門入。至景德門降輿。贊引太常卿二人恭導。

皇帝入大次少憩太常卿奏請行禮

皇帝出幄次盥洗贊引官恭導。

皇帝由景德中門陞中階入殿中四至拜位前北嚮
立太常贊禮郎引分獻官至階下夾甬道立鶴
臚官引陪祀王公位殿外階上百官位階下左
右序立均北面典儀官贊樂舞生登歌執事官
各共迺職。以下自迎神至送神皆典儀官唱贊武舞八佾進贊引
官奏就位。

皇帝就拜位立迺迎

神司香官各奉香盤進司樂官贊舉迎

神樂奏擊平之章。

凡樂

樂皆司官唱贊。

贊引官奏就上香位

恭導

皇帝詣

太昊伏羲氏香案前。司香官跪進香。贊引官奏上香。皇帝立上柱香。次三上瓣香畢。以次詣

炎帝神農氏

皇帝軒轅氏香案前上香。儀同各室。司香官詣各香案前上香。贊引官奏復位。

皇帝復位奏跪拜興

以下行禮皆有奏。

皇帝行二跪六拜禮。王公百官皆隨行禮。奠帛行初

獻禮司帛官奉篚司爵官奉爵以次進奏興平之章舞千戚之舞司帛司爵各詣

神位前司帛官跪奠帛三叩司爵官立獻爵奠正中兩廡分獻官上香執事生奠帛獻爵如儀皆退司祝至祝案前跪三叩奉祝板跪案左樂暫止皇帝跪羣臣皆跪司祝讀祝畢詣

太昊伏羲氏位前跪安於案三叩退樂作

皇帝率羣臣行三拜禮興樂止武功之舞退文舞八佾進行亞獻禮奏崇平之章舞羽籥之舞司爵官獻爵奠於左儀如初獻行終獻禮奏佶平之

章舞同司爵官獻爵奠於右儀如亞獻兩廡畢

獻儀如初樂止文德之舞退太常官警答福胙

光祿卿二人自東案奉福胙進至

太昊伏羲氏位前拱舉降立於

皇帝拜位之右侍衛二人進立於左

皇帝跪左右執事官皆跪右官進福酒

皇帝受爵拱舉授左官進胙受胙亦如之三拜興率

羣臣行二跪六拜禮徹饌奏淳平之章徹饌畢

送

神奏匡平之章

皇帝率羣臣行二跪六拜禮有司奉祝次帛次饌次香恭送燎所。

皇帝轉立拜位旁西嚮候祝帛過復位樂作祝帛燎牛奏禮成恭導

皇帝由景德中門出陞禮與導迎樂作奏祐平

皇帝回鑾王公從百官以次退不陪祀王公百官於午門帝跪迎。

午門鳴鐘王公隨

駕人至內金水橋恭候

皇帝還宮各退○遣官王公由景德門左門入於階

上大臣由左旁門入於階下均行三跪九叩禮
讀祝王公引人殿內大臣引至階上贊引以太
常贊禮郎上香時贊就上香位引承祭官進

殿詣

三皇案前上香。

五帝以下均執事官上香升降自東階出人由殿左
門祝帛送燎所避立西旁東面不飲福受胙王
公等不陪祭餘均如儀。

皇帝巡狩方嶽所至之地遣

行在三品以上官致祭

帝王陵寢在三十里以內者其功德隆重之君開

親詣行禮至日昧爽

行在鑾儀衛陳騎駕鹵簿於

行宮門外扈從王公暨文武官應陪際者均陪祭
守土官文知府武副將以上亦如之咸采服日
出前三刻

行在太常卿訖

行宮告時

皇帝御龍袍衣服乘輿出行宮前引後扈如常儀不
陪祭扈從官咸集

行宮前跪送。

駕發警蹕及祭所不陪祭守土官朝服跪迎廟中不設樂舞不飲福受胙餘儀與

京師廟祭禮同○恭遇

國家大慶舉行典禮遣官齋祭文香帛祭

伏羲氏陵於淮寧。

女媧氏於趙城。

神農氏於鄆。

軒轅氏於中部。

少昊氏於曲阜。

高陽氏。

高辛氏於滑。

陶唐氏於濮。

有虞氏於寧遠。

夏王禹於會稽。

商王湯於滎河。中宗於內黃。高宗於西華。

周文王武王成王康王於咸陽。

漢高祖於涇陽。文帝於咸寧。宣帝於長安。光武帝於

孟津。

後魏孝文帝於富平。

宋開寶中葬衣冠之地。